



Claudii Fleurii Abbatis Historia Ecclesiastica

Ab anno Christi 1541. usque ad annum 1546

Fleury, Claude

August. Vind. [u.a.], 1770

VD18 90118510

§. 64. Parisinæ Facultatis Theologicæ Decretum de articulis fide divina
credendis.

[urn:nbn:de:hbz:466:1-66615](#)

Sæcul. XVI. buit, ac Missa de Spiritu sancto celebra-
A.C. 1542. ta quosdam articulos veluti orthodoxæ
 fidei professionem exposuit, atque in il-
 lis omnes materias eo tempore contro-
 versas pertractavit, eaque omnia præ-
 scripsit, quæ credenda, atque deinceps
 a Concionatoribus prædicanda, nec non
 populo exponenda essent. Insuper utriusque
 Juris Doctores ac Baccalaurei
 hosce articulos jurejurando firmare ju-
 bebantur, Scholares vero pariter, prius
 quam Theologiæ curriculum inciperent,
 fidem suam juramenti religione obstrin-
 gere compellebantur. Hoc edictum
 plus quam sexaginta Doctorum chiro-
 grapho muniebatur, cuius tenorem im-
 præsentiarum exhibemus.

§. LXIV.

*Parisinæ Facultatis Theologicæ De-
 cretum de articulis fide divina
 credendis.*

Argent. Coll. *Attendentes D. Pauli fidei nostræ Praeconis*
jud. app. t. I. *exemplo, quam gravia pericula his tempo-*
p. 413. & t. *ribus ex impudenti & detestanda quorumdam*
a. p. 133. *Concionatorum impietate soleant Christianis*
contingere, qui non erubescunt temeraria qua-
dam audacia erronea, scandalosa, seditiosa
atque etiam schismatica, hæretica & blasphem-
ia in suis Concionibus passim disseminare,
in hoc magis hominibus placere cupientes,
quam

quam Deo : unde multi seducuntur, pesti- Sæcul. XVI.
lentisque doctrinæ veneno inficiuntur: tan- A C 1542.
tis sane malis commodum existimavimus sa-
lutarem Scripturarum sanctorum, & Eccle-
siæ Catholiceæ doctrinam secuti si usquam a-
lias, nunc vel maxime nostra pro virili, ac
ea, quæ in nobis est, functione obviandum
esse. Quod ut fieret commodius, brevi quo-
dam compendio sub quibusdam titulis aliquot
fidei decreta omnibus Christianis certo tenen-
da subjecimus : ex quibus quidnam in primis
populo hac tempestate prædicandum, quidve
cuique sectandum sit, facile poterit apparere,
ac ex oblata, & sese ultiro offerente, vel e-
tiam utiliter quæsita occasione omnibus per-
spicuum esse.

Postmodum Facultas articulos fide-
libus proponendos recenset.

§. LXV.

*Articuli a Facultate propositi, ac
jurejurando firmati.*

Præfati articuli numero erant viginti
novem, & quidem I. Certa & fir-
ma fide credendum est, Baptismum parvulis
ad salutem necessarium esse, ac per ipsum da-
ti gratiam Spiritus sancti.

II. Eadem fidei constantia est tenendum,
homini inesse liberum Arbitrium, quo potest
bene vel male agere, & per quod (si etiam
sit in peccato mortali) Deo cooperante ad
gratiam resurgere valet.

H 3

III.